

[www.BibleForChildren.org](http://www.BibleForChildren.org)

# Matiu 8




Kini neis irə nərmama nepwɪn ia rukwənu Kena ia tənə  
Kalili həiri pen vi a pran riti m iərman səvənhi, mharə  
mho mwi nəveginien asori riti mamhagien pəri irəha  
mɪnrau.




Mama sɔvɛi lesu irɛha minraha. Kinɛkwein lesu mine nɛrmama me sɔvɛnhi mɛirɛha mwi tuhɛuvɛnmhani pɛri nari irɛha minraha.



Nəpın waen ruvəiwən, mama səvəi lesu rini pen tukwe in mə, “Sənmwinraha waen ruvəiwən.” Miregi mama səvənhi rini pen ti nərmama səməme kamho tukwini nari mə, “Kimiaha tihaməkeikei mho nəfe nəghin in trini pehe tukumiaha i.”



lesu rini pen ti nɛrmama me nɛha kamho  
tukwini nari mɛ, “Kimiaha tihɛrɛmin pen  
nui ia nɛri kamɛrɛmin pen nui ia nirɛha.”  
Irɛha hɛrɛmin meste pehe rukuɛr.



Nənə Iesu rini pen t̄i nireha i mə,  
“Nəha təkwtəkwuni kimiaha tihəkwəhi raka  
nepwin, mhəuvehi mhəuvən mhəuvei pen  
m iəmə asori səvəi nəveginien asori.”  
Ro pen ireha həuvehi mhəuvən.



Nəp̄in iəmə asori səvəi nəveginien asori rən̄imwi əghan  
nui nəha, nui sə lesu r̄ino ruvehe mo waen i, in r̄ireirei  
mə waen ruku pəku.

(Mətə iotukwininari me  
səməme həkwəhi raka  
nui irəha həukurən.)

Ro iam̄inhi irə iəmə asori  
səvəi nəveginien nəha  
rəkwein iərman  
sə r̄ipkarə vi a  
irau pran səvənhi  
ruvehe, r̄ini  
pen tukwe  
in mə, . . .



...“Samarə kamo nəveginien asori iaminihi kukupwən  
kukwəhi raka waen sə ramasan pik kauvei pen m  
nərmama. Nənə nəpin  
nərmama me hənənimwi  
asori kwopti, kukwəhi raka  
sə ripkamasan pik mhə  
kauvei pen minraha  
hənimwi. Mətə ik  
ikəpwəh nukwəhi  
rakaien waen sə  
ramasan pik  
meste nəha  
təkwətəkwuni.”





In i nĩmtətien sə lesu rukupwən mo ia rukwənu  
Kena ia tənə Kalili. Ia nĩmtətien nəha  
in rahatən pen nasoriiən  
səvənhi. Nənə nərmama  
me səvənhi həni  
nĩpərhienien irə.




Kurirə ikin Iesu revən muvniwə ia  
nimwə səvəi Pita, mətoni kaka pran  
səvəi Pita raməmak maməkwiəi fifa.



lesu rirapi rəgin, nənə nemhəien raraka irə.  
Prən nəha riskəmtər, minaməpnəpenə  
nəveginien sənəni.



Raməruarəv meri ruvəivə. Nənə nərmama me həuvehi  
pam nərmama səməme nemhəien rarə ia nirəha mine  
səməme nəremhə me  
kamharə ia nirəha  
həuvehi irəha mhəuvehe  
ti lesu. Nərmama pam  
ia rukwənu səvəi  
Saemon housəsimwin  
pen irəha ia kwəruə  
ia nimwə səvənhi.



Nənə Iesu ro nərmama həpik nemhəien səpəmsəpə  
rare ia nərəha həuvehe mhəsanin. In rəkoui irapw  
nəremhə me həpik ia nərmama, mətə rinəise nəremhə  
me nəha mə tuhəpwəh nəgkariien ti nəri nə mə irəha  
həukurən mə in sin.




Nərmama me pam hamousari mə tuhərapı in tı nəri nə  
mə nəgsen raku pen irə, mamə irəha pam həuvehe  
mhəsanın.




la nēpin nēha nērmama kefə həuvehi iərmama riti  
mhəuvehe ti lesu. Iərmama nēha nīsun mi krouemhə.  
Ko rīpkavən mhə.



Həuvehi pehe, mətə ko həpkəuvən  
mhə ipaka ti lesu ti nəri nə mə nərmama  
həpik anan. Ro iamini irə irəha  
həputə ia təkure nimwə, mho  
ruei nimwə riti ratukwatukw  
ia kwopun nəha  
lesu raməkure  
ikin.



Ho pam ruə, həuvehi irapw  
niməhan sə iərmama nisun  
mi krouemhə ramapri  
irə reiwaiu.




Nəpın İesu rətoni nahatətəien səvənraha,  
rini pen tı İərmama sə nısun  
mi krouemhə mə, “Nərik,  
iakinenouenou raka noien  
ərəha me səim.”

Nənə İesu rini pen tı  
İərmama sə nısun mi  
krouemhə mə, “İakani  
pehe tukw ik i mə  
ərər, muvehi  
nıməhan səim,  
mavən mamevən  
fwe imwam.”




Ia nēpin nēha Iesu rēputē ia nitētē ouihi riti. Nērmama  
me sēvēnhi hēkurirē in. Irēha hēier  
mēnamhēuvēn. Ripko mhē tui  
nimētagi asori riti riskēmter ia  
tēkure nui mo peiau  
peiau me rasori minakuēr  
ia nitētē ouihi sēvēnraha.  
Mētē Iesu ramapri.



Miregi Iesu rini pen ti niraha i me, “Rəfo kimiaha hiamhekir? Kwa nahatətəien səkimiaha ripkiskai mhə.” Nənə in riskəmter minise nimətagi mine nui asori mini minuə troueiwaiu. Təkwtəkwwuni a mwi narimnari me pam həuvehe mhəmərinu.


Nərmama me səvənhi nənimenraha rier. Irəha həni me, “Nəfe i iərmama nimətagi mine nui krauo nəkwan?”



Kumwesən rokeikei pik nərmama ia  
tɪprənə i, məriari pehe Tini anan kuatia  
mə nərmama me pam səməme tuhəni  
nɪpərhienien irə tuhəpkemhə mhə,  
mətə tuhəuvehi nɪmɪruien rerɪn.



40



60



### Rom 3:23

Nərmama me pam həno noien ərəha nənə mharfai ia suatuk atukwatukw səvəi Kumwesən sə ramasan mamser,

### Rom 6:23

Ro iaminha irə ti nəri nə mə nərekuien səvəi noien ərəha in nə nemhəien, mətə nəri sə Kumwesən raməriari pehe auər a i, in nə nimiruien rerin saməuvehi raku pen ti İesu Kristo lərimənu səkitaha.

### Hipru 9:27

Kumwesən rinəmri raka mə nərmama me pam tuhaməkeikei mhemhə m kuatia a, nənə kurirə irə in trəkiri irəha ti noien me səvənraha.



## Efesas 2:8,9

Kumwesən rinasitu ia kimiaha ia namasanien səvənhi, nənə muvehimiru kimiaha, t̄i nəri nə mə hiaməni n̄ipərhiēnien ia Kristo. Narimnari me nəha r̄ipko mhə kimiaha atukw hiəno, mətə rəmwhen ia nari riti sə Kumwesən r̄iməuvei pehe auər a m kimiaha. Ro pen ko iərmama riti r̄ipkəfiəutə atukw mhə in tukwe, t̄i nəri nə mə r̄ipko mhə kimiaha hiəno narimnari me nəha.

## Rom 10:9,10

Tr̄ini minuə ik̄ini irapw ia tərhum mə “lesu in lərimənu,” nənə mini n̄ipərhiēnien irə fwe imwə ia rerim mə Kumwesən r̄ino in rətui mwi ia nemhəien səvənhi, nənə Kumwesən truvehimiru ik. Nəp̄in iərmama riti ruvehi lesu ia rerin mini n̄ipərhiēnien irə, Kumwesən tr̄ini irapw in mə in ratukwatukw ia nənimen. Nənə in truvehimiru mwi iərmama sə rani irapw ia tərhun mə lesu in lərimənu səvənhi.



## Jon 3:16,17

Kumwesən rokeikei pik nərmama ia tiprənə i, məriari pehe Tini anan kuatia mə nərmama me pam səməme tuhəni niperhienien irə tuhəpkemhə mhə, mətə tuhəuvehi nimiruien rerin. Kumwesən ripkərhi pehe mhə Tini ruvehe ia tiprənə i mə trərpwin noien ərəha me səvəi nərmama, mətə in rərhi pehe Tini mə truvehimiru irəha.

## 1 Jon 5:11-13

Nəfe nəha nəgkiariien? Nəgkiariien i in i. Kumwesən riməuvei pehe nimiruien rerin m kitaha, nəne nimiruien nəha saməuvehi ruku pen tı Tini. İərmama sə rauvehi Tini Kumwesən rauvehi mwi nimiruien, mətə iərmama sə ripkuvehi mhə Tini Kumwesən ripkuvehi mhə nimiruien. İakamrai nəgkiariien me i rauvehe tukumiaha. Kimiaha nərmama səməme hiaməni niperhienien ia nəghi Tini Kumwesən. İakokeikei mə kimiaha tihəukurən mə hiəuvəuvehi raka nimiruien rerin.



Matiu 8-9; Mak 1-2, 4; Luk 4, 8; Jon 2

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: E. Frischbutter, Sarah S.

Kwamera NT (tnk) © 2013, Wycliffe Bible Translators, Inc.  
All rights reserved.

<https://live.bible.is/bible/TNKWBT/MAT/1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

